



Broj: 01-01-0092/25  
Sarajevo, 28.01.2025. godine

Na osnovu člana 18. stav (2), člana 10a. tačka d) Zakona o javnim nabavkama („Službeni glasnik BiH“, broj 39/14, 59/22 i 50/24), člana 16. Statuta Javne ustanove „Služba za zapošljavanje Kantona Sarajevo“ Sarajevo (broj: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), a u skladu sa Finansijskim planom Javne ustanove „Služba za zapošljavanje Kantona Sarajevo“ Sarajevo za 2025. godinu, usvojen Odlukom Skupštine Kantona Sarajevo, broj: 01-04-55554/24 od 30.12.2024., te postupajući po zahtjevu Sektora za podsticajne mjere zapošljavanja i informatičke poslove od 23.01.2025. godine, direktorica Javne ustanove „Služba za zapošljavanje Kantona Sarajevo“ Sarajevo  
*d o n o s i*

## **ODLUKU**

### **o izuzeću od primjene Zakona o javnim nabavkama BiH**

#### **Član 1.**

Od primjene Zakona o javnim nabavkama BiH („Službeni glasnik BiH“, broj 39/14, 59/22 i 50/24), izuzimaju se nabavke - Advokatskih usluga za potrebe poslovanja Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba) za 2025. godinu, na način kako slijedi:

- 1) usluge pravnog zastupanja stranaka od strane advokata u arbitraži ili mirenju u BiH i drugoj zemlji ili pred međunarodnom instancom arbitraže ili mirenja;
- 2) usluge pravnog zastupanja stranaka od strane advokata u postupku pred sudovima ili organima uprave u BiH ili drugoj zemlji ili pred međunarodnim sudovima ili institucijama;
- 3) usluge pravog savjetovanja koje advokat pruža tokom pripreme bilo kojeg od postupaka iz tačke a) i b) stav (1) člana 10a. Zakona o javnim nabavkama („Službeni glasnik BiH“, broj 39/14, 59/22 i 50/24), ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka;
- 4) usluge ovjeravanja i potvrđivanja dokumenata koje pružaju notari;
- 5) druge pravne usluge koje su u BiH povezane, čak i povremeno, s izvršavanjem službenih ovlaštenja.

#### **Član 2.**

Ukupna procijenjena vrijednost nabavke iz člana 1. ove Odluke iznosi 50.000,00 KM sa uračunatim PDV-om, u skladu sa planiranim uslugama i izvjesnim sredstvima. Ekonomski kod 613 900.

#### **Član 3.**

Sredstva za realizaciju nabavke predmetnih usluga osigurana su Finansijskim planom Službe za 2025. godinu, koji je usvojen Odlukom Skupštine Kantona Sarajevo, broj: 01-04-55554/24 od 30.12.2024. godine, zajedno sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2025. godinu, broj: 09/1-2730-UO/24 od 23.09.2024. godine.

#### **Član 4.**

Nadležna organizaciona jedinica dostavlja Zahtjev za pokretanje postupka nabavke advokatskih usluga Jedinici za nabavke. Jedinica za nabavke, na osnovu dostavljenog računa od strane advokata, ispunjava odgovarajuću narudžbenicu, čime se dalje formalizuje pružanje usluga.

## Član 5.

Ova Odluka stupa na snagu danom donošenja i biće objavljena na web stranici JU „Služba za zapošljavanje Kantona Sarajevo“ Sarajevo, [www.szks.ba](http://www.szks.ba).

## Obrazloženje

Postupak angažovanja advokatskih usluga sprovodi se tako da nadležna organizaciona jedinica dostavlja Zahtjev za pokretanje postupka Jedinici za nabavke, čime se inicira proces nabavke predmetnih usluga. Jedinica za nabavke nakon što primi račun dostavljen od strane advokata za pružene usluge, ispunjava odgovarajuću narudžbenicu. Ovim postupkom formalizuje se pružanje usluga, obezbjeđujući pravnu i finansijsku transparentnost.

Donošenjem ove Odluke omogućava se zakonito i pravovremeno angažovanje pravne pomoći, u skladu sa važećim propisima i specifičnim potrebama institucije. Na ovaj način osigurava se efikasno funkcionisanje i nesmetano pružanje pravnih usluga koje su od značaja za ostvarivanje ciljeva Službe.

Pri donošenju ove Odluke, Služba se posebno rukovodila činjenicom da su sredstva za predloženu nabavku planirana u skladu sa Finansijskim planom Službe za 2025. godinu, za koji je data saglasnost Skupštine Kantona Sarajevo, Odlukom broj: 01-04-55554/24 od 30.12.2024. godine, zajedno sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2025. godinu, broj: 09/1-2730-UO/24 od 23.09.2024. godine.

Nadalje, dosljednom primjenom člana 10a. tačka d), a u vezi sa članom 18. stav (2), Zakona o javnim nabavkama („Službeni glasnik BiH“, broj 39/14, 59/22 i 50/24) okvirom kojeg Zakon nalaže izuzeća od primjene istog, utvrđeno je da postoji osnov za izuzeće od primjene odredbi Zakona, čime su ispunjene pretpostavke za donošenje predmetne Odluke.

S tim u vezi, a cijeneći naprijed navedeno, odlučeno je kao u dispozitivu ove Odluke.

Direktorica

  
Amira Džonlagić

### Dostaviti:

- Sektor za ekonomske poslove i trezor,
- Jedinici za nabavke,
- A/a.

